

吏獎且府州縣吏典既竭免其徭後復厚其俸給歛其在房專心書辦以承役使也近年以來有等掌印官員但知接受民間大小詞狀徃行在房不知用心鈐記防範將來故吏典乘其間隙有先行勒索錢物而與施行有受賄授詞而藏跡無存有無錢而經月不行以致民之理直者啣冤無詞理曲者肆為得志雖吏也備官作獎皆由掌印官致然也今後凡遇民間告理大小詞訟等項經該官員編其號簿用印鈐記以憑查掌即與次第分理銷其號簿庶使吏典止息民冤得伸矣仍將各房吏典不時點閱令讀律等書毋得縱容在外遊蕩擾民違者依律究治

禁革吏獎

一成化十四年八月二十二日礼部等衙門尚書等官等題為民情等事會同各官將民情事件議奏奉

聖旨是欽此

計開

吏部聽撥辦事吏吳鵬建言一件禁革吏獎事切見本司吏典月支俸米書辦足以養廉自合恪字繩規遵崇紀律奈何近年以來有等無籍之徒立心奸究遇該兩考後滿所據承行文卷見奉事例三年一次照刷別無粘帶自合隨即起送合却指以清卷為由潛住公廨營謀聽缺農民或考退生員頂補希求賄賂

賣銀一百五十兩名曰頂頭房錢設有貧難
無錢者逼迫無奈將產業變賣或揭借錢
債轉數出倫頂頭以致逾相做做冒以為常
此等之徒着役之後甚至壞法害民以償私
債迨有堪充無碍之人惧法不服出銀者反
被捏告過名赴堂執稟官不知情執行黥退
若此之類不可枚舉雖蒙

朝廷禁革行之既久視為虛文不惟流弊日滋抑且乖
違憲體如蒙乞

勅都察院轉行巡按監察御史并按察司出榜禁約今後
吏典役滿即將見行文卷交與同房書典當
日起送出司如再托故延住取討頂頭房錢
者通將受錢并出錢過付之人各論以枉法

贓罪永為遵守如此則人知警惧風紀振揚
奸弊息矣

前件吏部查行